

أمل

بتتكلّم أكلّمك
وتسأل ... قلبي بيدك
وتحكى لى ف أسرارك
وعارف ان أنا منك
بترتاح لى وبترتاح لك
تخطب قلبي يفتح لك
تنادى عيوني تحكيها
وأسمع صوتك أفرح بك
ونسهر.. نحكى أسرارنا
ونتسابق بأخبارنا
ومهما البعد تاه بينا

ما يخفى عنا مشوارنا
بتيجي لوجعى .. وتداوى
تطبب لى .. وأنا الغاوى
ليلاتى بسهر أستنى
حنانك طب ومداوى
يا كل الماضى والذكرى
يا حُب وعاش بميت فكره
فراقنا مهما طال بينا
حتفضل لى أمل بكره